

## 《金剛般若波羅蜜經導讀》 補充講表

◎附表十三：以下糅合《金剛經講義》

○佛告須菩提：「於意云何？如來昔在燃燈佛所，於法有所得不？」法：指無生法忍。

◆此世尊往昔行菩薩道，初登第八地時之事也，今引此事是為發無上菩提心者而說。

◆燃燈佛：因其出生時身邊一切光明如燈，故稱為燃燈佛或稱為錠光佛。又作定光如來等。

佛經中說釋迦牟尼佛成佛之前得燃燈佛受記，將在九十一劫後的賢劫成佛。

※《大智度論》卷九云：「如燃燈佛生時，一切身邊如燈故，名燃燈太子，作佛亦名燃燈。」

◆於法之「法」，諸疏皆約授記語言說，欠妥。唯蕩益約無生法忍說，甚是。

※《金剛經破空論》云：「四果既不可得，無生法忍亦不可得。云何說言佛於燃燈佛時，得無生法忍耶？為斷此疑，故言於法實無所得。實無所得，是名無生法忍。設有少法可得，皆是誑妄。譬如演若之頭，衣裡之珠，決定非從他得，然不得言無頭無珠也。」

◆無生法：即謂真如實相。忍者：通達無礙，不退之意。所謂理智相冥，忍可印持也。

○「須菩提！於意云何？菩薩莊嚴佛土不？」：何以故？莊嚴佛土者，即非莊嚴，是名莊嚴。」

◆菩薩修因時，六度萬行，一一功行，回向淨土，此之謂莊嚴。所謂願以此功德，莊嚴佛淨土，是也。然則菩薩豈有不莊嚴佛土者。舉此為問，正欲修行者明了莊嚴之道耳。不得其道，則所莊嚴者皆在相上，與自性無涉，便成有漏功德矣。

◆須知莊嚴佛淨土，淨字最要緊。土云何淨？由心淨耳。既須心淨，所以莊嚴不能著相，若心取相，便不清淨矣。即是必須明了上文不應取法兩句之意，方為真實莊嚴之道耳。

※《維摩詰經》·佛國品云：「若菩薩欲得淨土，當淨其心，隨其心淨，則佛土淨。」

※《金剛經破空論》云：「無生法忍既無所得，攝取佛土，教化眾生，亦復無所得耶！」

為斷此疑，故云：【莊嚴佛土者，即非莊嚴，是名莊嚴】。夫土有四種：

常寂光土：即自受用處。二、實報土，三、方便土，四、同居土，即化眾

生處，而皆不離自心。若自心無明究竟永盡，即莊嚴常寂光土畢竟清淨。若為攝化自心菩薩眾生故，莊嚴實報土，令得清淨。若為攝化自心二乘眾生故，莊嚴方便土，令得清淨。若為攝化自心六凡眾生故，莊嚴同居土，令得清淨。所化眾生，既非性外；所取佛土，豈離自心？故《淨名》云【隨其心淨，則佛土淨】。實非離於心性，別有外依報境可莊嚴也。是故諸佛心內種種眾生，還依淨心之業，隨其修力，生於眾生心內諸佛土中。」

※《金剛經破空論》云：「所謂五濁障輕，生同居淨；體法斷惑，生方便淨；圓妙三觀，

生實報淨；究竟智斷，生寂光淨。如此能化、所化，能生、所生，皆惟心故，性離造作。若達心外無土，淨心即是淨土，終日莊嚴，而無莊嚴之相可取；亦無莊嚴之法可著，是名真實莊嚴佛土。能於一心性中，施設四種淨穢等土，橫豎示現，種種自在。若不達惟心，妄謂心外有土，可施莊嚴，則是有相有為，塵非常住，故云：即非莊嚴也。」

即非句：明其不著有，即是不應取法，明其不取著相也。

是名句：明其不著空，即是不應取非法，明其非斷滅相也。

◆蓋約心性言，性體空寂，（空寂，即所謂真諦。真諦者，明其非虛相。欲證真諦，必應離相，故曰：即非也。非：有「離」之意。）豈有所謂莊嚴，故曰非也；而約事相言，可聞可見，（可聞可見，即所謂俗諦。俗諦：因緣所生法，假有不實，故曰：名也。）明明具足莊嚴，故曰是也。意若曰：

因其名相是有，故不應著空而取非法，菩薩應勤修六度萬行以莊嚴之；

因其心性本空，故不應著有而取於法，菩薩雖精進莊嚴，而心中若無其事也。

◆如此一心清淨，則土自淨。此之謂莊嚴佛土，方得莊嚴之道。